

Na osnovu člana 8. Statuta Fondacije za izdavaštvo, V broj: 541/2008, br. 02-147/09 i 02-278/09, Upravni odbor Fondacije za izdavaštvo, na 56. sjednici održanoj 11. 12. 2012. godine, donosi

**PRAVILNIK**  
**o načinu korištenja i upotrebi mobilnih i fiksnih telefona**  
**Fondacije za izdavaštvo**

Član 1.

Ovim pravilnikom uređuje se način, uslovi korištenja i upotreba mobilnih i fiksnih telefona Fondacije za izdavaštvo (u daljem tekstu: Fondacija), lica koja mogu koristiti i upotrebljavati mobilni i fiksni telefon i druge uslove u postupku korištenja i upotrebe mobilnih i fiksnih telefona.

Član 2.

Mobilnim telefonima u smislu ovog Pravilnika smatraju se svi mobilni telefoni u vlasništvu Fondacije, odnosno mobilni telefoni u privatnom vlasništvu koji se koriste u skladu sa ovim Pravilnikom.

Član 3.

Mobilni telefoni mogu se koristiti samo za vršenje službenih zadataka:

- kada je to potrebno zbog prirode službenog zadatka, zbog hitnosti ili zbog ekonomičnosti u izvršavanju službenog zadatka,
- kada na mjestu izvršenja službenog zadatka nije uspostavljena telefonska linija,
- u drugim slučajevima kada je potrebno radi uspješnijeg izvršenja službenog zadatka.

Član 4.

Pravo na upotrebu i korištenje mobilnih telefona Fondacije imaju:

- Predsjednik Upravnog odbora,
- Članovi Upravnog odbora,
- Zaposlenici Fondacije kada to zahtijeva priroda posla.

Član 5.

Visinu mjesečnog limita za korisnike mobilnih telefona iz člana 4. ovog Pravilnika odredit će Upravni odbor posebnom Odlukom o korištenju mobilnih telefona Fondacije.

Troškove prekoračenja predviđenih limita snosi osoba koja je zadužila terećeni broj mobilnog telefona.

O plaćanju troškova preko limitiranog iznosa stara s finansijsko-računovodstveni sektor, a način plaćanja će biti određen posebnom Odlukom o korištenju mobilnih telefona Fondacije.

## Član 6.

Korisnici mobilnih telefona iz člana 4. ovog Pravilnika dužni su brižljivo čuvati mobitel i odgovorni su za svaku štetu koja nastane ili bi mogla nastati zbog nepažljivog ili nepravilnog rukovanja, kao i zbog drugog razloga koji potiče od subjektivnog odnosa lica kao što su gubitak, krađa i slično.

## Član 7.

Visinu troškova korištenja fiksnih telefona Fondacije odredit će Upravni odbor Fondacije posebnom Odlukom o korištenju fiksnih telefona Fondacije.

Troškove prekoračenja predviđenih limita snose zaposlenici iste kancelarije koji koriste fiksni telefon.

O plaćanju troškova preko limitiranog iznosa stara s finansijsko-računovodstveni sektor, a način plaćanja će biti određen posebnom Odlukom o korištenju fiksnih telefona Fondacije.

Odlukom iz stava 1. ovog člana bit će određen način i visina troškova korištenja internet konekcije Fondacije.

## Član 8.

Ovaj Pravilnik stupa na snagu danom donošenja a primjenjivat će se od 1. 1. 2013. godine.

Broj: 02-164/12  
Sarajevo, 11. 12. 2012. godine

PREDSJEDNIK  
UPRAVNOG ODBORA

Mile Stojić

---